

Հաշվետվություն

2025 թվականի փետրվարի 11-ից 13-ը Իրանի Իսլամական Հանրապետություն
կատարած գործուղման արդյունքների մասին

1. Անունը, ազգանունը, զբաղեցրած պաշտոնը

Վարդան Օհանջանյան, Կադաստրի կոմիտեի գեոմատիկայի կենտրոնի
կառուցվածքային ստորաբաժանումներում առանձին գործառույթներ
համակարգող խորհրդական:

2. Գործուղման վայրը և ժամկետները.

Թեհրան, փետրվարի 11-ից 13-ը:

3. Հրավիրող կողմը.

Իրանի Իսլամական Հանրապետության ազգային աշխարհագրական
կազմակերպություն:

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն «Աշխարհատարածական տվյալների ոլորտ. խելացի
կառավարման հիմք» թեմայով Իրանի 4-րդ միջազգային աշխարհագրական
ցուցահանդեսին:

5. Քննարկված թեմաները.

Միջոցառման հիմնական թեմաներն էին.

- ✓ Երկրի հեռահար գնդավորում,
- ✓ Գեոդեզիա, քարտեզագրություն,
- ✓ Հիդրոգրաֆիա (ջրագրություն),
- ✓ Օդերևութաբանություն և կլիմայագիտություն,
- ✓ Երկրաբանություն և օգտակար հանածոների հետախուզում,
- ✓ Աշխարհագրական տեղեկատվական համակարգեր (GIS), ծրագրային
ապահովումներ և սարքավորումներ,
- ✓ Օդային լուսանկարահանման քարտեզագրում, ինքնաթիռներ և անօդաչու
թռչող սարքեր,
- ✓ Աշխարհագրություն, հողերի չափագրում և քաղաքաշինություն,

6. Հանդիպումները, ելույթները, բարձրացված կամ քննարկված հարցերը.

Թեհրանում մեկնարկած «Iran Geo» 4-րդ միջազգային ցուցահանդեսին
մասնակցում էին պաշտպանության նախարարության պաշտոնյաներ,
կազմակերպությունների ղեկավարներ, համալսարանների և գեոմատիկայի ոլորտի
մասնագետներ:

Ելույթ ունենալով բացման արարողության ժամանակ՝ ԻԻՀ պաշտպանության
նախարարության աշխարհագրության կազմակերպության ղեկավար, բրիգադի
գեներալ Մաջիդ Ֆախրին անդրադարձավ հիմնական գլոբալ
մարտահրավերներին:

Նշվեց, որ կլիմայի փոփոխությունը, ջրային ռեսուրսների ճգնաժամերը, շրջակա միջավայրի աղտոտվածությունը, միգրացիան, աշխարհաքաղաքական մրցակցությունը, պարենային անվտանգությունը և երաշտը մարդկության առջև ծառայած ամենահրատապ խնդիրներից են:

Ըստ գեներալ Ֆախրիի՝ գլոբալ մարտահրավերների առնվազն 70 %-ը առնչվում է աշխարհագրությանը և պահանջվում է գտնել այնպիսի աշխարհագրական լուծումներ, որոնք կախված են ճշգրիտ և հուսալի տարածական տվյալներից, ինչպես նաև գեոդեզիական, ֆոտոգրամետրիայի, հեռահար զոնդավորման և գեոինֆորմատիկայի առաջընթացներից:

Ցուցահանդեսի ժամանակ կարևորվեց նաև աշխարհատարածական տեխնոլոգիաների աճող ինտեգրումը արհեստական բանականությանը, համացանցի և կապի տեխնոլոգիաներին:

«Աշխարհատարածական տվյալների ոլորտ. խելացի կառավարման հիմք» խորագրով ցուցահանդեսը համարվում է Արևմտյան Ասիայի աշխարհատարածական արդյունաբերության ամենամեծ հավաքը, որը նպաստում է գիտելիքի փոխանակմանը ոլորտի մասնագետների, հետազոտողների և քաղաքականություն մշակողների միջև:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Իրանի Իսլամական Հանրապետություն կատարած այցի շրջանակներում հանդիպեցի Իրանի պաշտպանության նախարարության աշխարհագրության կազմակերպության ղեկավար, բրիգադի գեներալ Մաջիդ Ֆախրիի հետ:

Հանդիպման ընթացքում քննարկվեց Հայաստանի և Իրանի մասնավոր ընկերությունների միջև համագործակցության հնարավորությունը:

Իրանցի գործընկերները ներկայացրին օրթոլուսանկարների ոլորտում իրականացված աշխատանքները՝ կիսելով իրենց փորձը:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Կողմերը հայտնեցին իրենց պատրաստակամությունը հետագա համագործակցության զարգացման ուղղությամբ:

9. Ստորագրությունը, ամսաթիվը:

Վարդան Օհանջանյան



17.02.2025 թ.